

Aeñ Pchi Priyeer

Li Booñ Jeu, Not Kreateur,

Marsii d-itwaanaan por ooma la zhoornii.

Eekwa, marsii d-itwaanaan miina por kahkiyaw li mooñd oota.

Li Booñ Jeu, wiichihinaan kwayesh chi-pimohteeyaahk.

Kiihtwaam marsii d-itwaanaan por kahkiyaw keekwee.

Eekoshi.



Aeñ Priyeer por lii Ripaa

Kischi-Manitoo, Kischi-Aya,

Marsii d-itwaanaan por ooma la zhoornii.

Eekwa, marsii d-itwaanaan miina por kahkiyaw li mooñd oota.

Kischi-Aya, marsii d-itwaanaan por ooma li maañzhii.

Marsii d-itwaanaan. Eekoshi.



Aeñ Priyeer por Chi-Pooyohk

Li Booñ Jeu, Not Kreateur,

Marsii d-itwaanaan por kahkiyaw li mooñd oota.

Marsii d-itwaanaan por lii booñ z'amii pi ee-paahpihk.

Marsii d-itwaanaan por ooma la bel zhoornii.

Kishinahamawinaan,

Eekwa wiichihinaan kwayesh chi-pimaatishiyaahk.

Not Kreateur, wiichihinaan kwayesh chi-kiiweeyaahk.

Marsii d-itwaanaan por kahkiyaw keekwee.

Eekoshi.



Aeñ Priyeer por lii Z'Asaañblii

Li Booñ Jeu, Not Kreateur,

Marsii d-itwaanaan por ooma la bel zhoornii.

Marsii d-itwaanaan miina por kahkiyaw li mooñd oota.

Eekwa, marsii d-itwaanaan por leer, la teer, pi diloo.

Marsii d-itwaanaan por tot lii z'animaal, lii z'weezoo,
pi lii pwesooñ.

Kischi-Aya, wiichihinaan chi-shoohki-atoshkeeyaahk.

Wiichihinaan chi-miyo-natohtamaahk.

Wiichihinaan chi-aachimoyaahk kwayesh.

Wiichihinaan chi-nihtaa-piikishkweeyaahk aañ Michif.

Eekwa, wiichihinaan kwayesh chi-pimohteeyaahk.

Kiihtwaam marsii d-itwaanaan por kahkiyaw keekwee.

Eekoshi.

